

## Lai révoûe

poi ç'te Marion Matthey, l' traze de mai 2013

Daivô ché afaints, mes parents aivînt bîn di mâ po faire è reingnie l' oûedre. Quéques côps, lai révoûe était ène petéte bésaingne, mains âchi, tiaind qu' nôs fsîns les fôs è tâle, è y' n' aivait yun obîn dous qu' finéchînt chus les dg'nonyes dains l' câre d' lai tieûjainne. Les trâs boûebes que v'gnînt d'rie moi n' étînt p' métchaints, mains in pô « croûeyes ». Èls aint bîn s'vent eur'ci l' taïpe-taipis chu l' tiu ! Les baîchattes sont pus aissaidges ! Chi, chi, i vôs l' dis.

Mains in côp, moi, lai grainde, lai pus véye, i seus paitchi d'aivô mes frères è pe des âtres boûebes di v'laidge. Nôs sont aivu dains l' bôs pe chus les tchaimpois. Nôs ains djûe en lai coitchatte, pe âchi d'aivô d' l' âve âtoué d' ène fontainne. I daivôs aivoi onze ans, mains musètes-vôs, ces boûebes, c' était des protèchtaints, les pés di v'laidge. Nôs allîns en l'écôle daivô yôs, mains po djûere ensoinne, c' était âtre tchôje.

È bîn, tiaind qu' i seus r'veni en l' hôtâ, mai mère m' é dit : « Qu' ât-ç' que te t' muses ? Ène baîchatte daivô tos ces boûebes, çoli se n' fait p'. Po tai révoûe t' âdrés â yét sains moirandaie ! »

Tiaind qu' i seus péssè â traivie d' lai tieûjainne, è y aivait chu lai tâle, in grôs piaité d' crôtes â vîn. I m'en raivise bîn. Encoué adjd'heû, i âi ç'te feûnée dains l' tairîn ! È pe, i n' seus pus allè dains l' bôs daivô des boûebes... Chié, mains bîn pus taîd !

## Lai révoûe

poi ç'te Marion Matthey, l' traze de mai 2013

Daivô ché afaints, mes parents aivînt bîn di mâ po faire è reingnie l' oûedre. Quéques côps, lai révoûe était ène petéte bésaingne, mains âchi, tiaind qu' nôs fsîns les fôs è tâle, è y' n' aivait yun obîn dous qu' finéchînt chus les dg'nonyes dains l' câre d' lai tieûjainne. Les trâs boûebes que v'gnînt d'rie moi n' étînt p' métchaints, mains in pô « croûeyes ». Èls aint bîn s'vent eur'ci l' taïpe-taipis chu l' tiu ! Les baîchattes sont pus aissaidges ! Chi, chi, i vôs l' dis.

Mains in côp, moi, lai grainde, lai pus véye, i seus paitchi d'aivô mes frères è pe des âtres boûebes di v'laidge. Nôs sont aivu dains l' bôs pe chus les tchaimpois. Nôs ains djûe en lai coitchatte, pe âchi d'aivô d' l' âve âtoué d' ène fontainne. I daivôs aivoi onze ans, mains musètes-vôs, ces boûebes, c' était des protèchtaints, les pés di v'laidge. Nôs allîns en l'écôle daivô yôs, mains po djûere ensoinne, c' était âtre tchôje.

È bîn, tiaind qu' i seus r'veni en l' hôtâ, mai mère m' é dit : « Qu' ât-ç' que te t' muses ? Ène baîchatte daivô tos ces boûebes, çoli se n' fait p'. Po tai révoûe t' âdrés â yét sains moirandaie ! »

Tiaind qu' i seus péssè â traivie d' lai tieûjainne, è y aivait chu lai tâle, in grôs piaité d' crôtes â vîn. I m'en raivise bîn. Encoué adjd'heû, i âi ç'te feûnée dains l' tairîn ! È pe, i n' seus pus allè dains l' bôs daivô des boûebes... Chié, mains bîn pus taîd !